

сайн уу? Чамд энэ захиа очих өдрийн мэндийг хүргэе. Будилж явсаар захиа бичье гэж шийдсэн юм. Хэрхэн хүлээж авахыг мэдэхгүй ч сэтгэлээ шингээн бичлээ. Юуны өмнө чамаас би уучлалт гуйх ёстой байхаа. Нэг л чамайг гомдоочихсон, том алдаа хийсэн юм шиг санагдаад. Сэтгэлийг чинь сэвтүүлж гомдоосон бол намайг уучлаарай. Намайг уучлахгүй байсан ч болноо. Магадгүй хүсэхгүй ч байж болно.

Яг юунаас эхэлж бичихээ мэдэхгүй л байна. Толгой доторх хэт гүний бодолтоо автан яахаа мэдэхгүй учраа ч ойлгохгүй, зориглон асууж ч чадалгүй удаан хугацаа өнгөрөөжээ. Өнгөрсөн хугацаанд чамайг мундаг байсан гэдэгт итгэлтэй байна. Бас гунигтай ч өдрүүд байсан байх. Гэхдээ энэ амьдралын тааж баршгүй олон мөчүүдийн алдаатай оноотой ч өдрүүдэд чи чимэг нь байсан. Өөртөө итгэлтэй байгаа биздээ тиймээ. Ямар ч байсан өнөөх л бууж өгөөгүй хүчирхэг охин хэвээрээ байгаа байх.

Яг одоо энэ бичиж буй захиа хэзээ очих бол бас л мэдэхгүй нь, толгой дотор мэдэхгүйнүүд л дүүрэн байх шиг. Яах бол яана гэсэн асуулт бас хаалт болж байна. Нэг өдөр чам руу илгээгдэх байхаа. Зүгээр л хэдэн асуултууд дунд л өөрийгөө хорьчихоод байх юм. Эсхүл шууд зориглох ёстойн болов уу. Бас л хэцүүхэн бодол.

Өөрийн дотоод бодлуудаа хэрхэн удирдах вэ ? ойлгохгүй нь. Хамгийн гол асуудал нь чамайг үнэхээр их гомдоосон байх вий, нэгэнт оройтсон байх вий гэдгээс айж байна. Гэхдээ дахиад ярилцах боломж олдоно гэдэгт итгэл тээнээ. Би одтой тэнгэр ширтэх дуртай учир нь хүйтэнхэн жиндүүч, сэтгэлд дулаахан намрын тэр оройг санахад сайхан байдаг юм. Мөн тэр нүдийг...

Миний эндэх амьдрал ерөнхийдөө жигдэрсээн. Нилээн ч ажил амжуулсан бас шалгалтуудаа ч дууссан. Дажгүй амжилттай шүү. Бүхэл өдөржин унтахсандаа л гэж бодож байна. Удахгүй амралт эхлэх байх гэхдээ хоёр долоо хоног л юм доо. Монгол явья гэж бодож байсан ч төлөвлөснөөр болсонгүй. Энэ жилдээ ахиад л өнжийдөө. Ирэх жил арай өөр байна байх.

Уламжлалт захих зүйл маань гэвэл дулаан хувцасаа сайн өмсөөрэй. Малгайгаа өмсөхөө мартав аа. Бас дархлаагаа сайн дэмжээрэй. Өвдөж болохгүй шүү. Надад нээрээ чиний явуулсан зурагнууд байгаагшд. Нөгөө нууцаар скриншот хийж байгаад баригддаг хха. Хаяа хархаар эгдүүтэй байдаг даа.

Удахгүй шинэ жил, бараг хүн бүрийн хүслийн баяр. Шинэ жилээр өвөрмөц зүйлээр дүүрэн байна гэж найдаж байна. Ялангуяа чамд илүү өвөрмөц сайхан жил байгаасай гэж хүсэж байна. Он тоолол солигдоод бүх зүйл шинэхэн юм шиг эхэлж сайхан зүйлүүд ч үргэлжилдэгээрээ үргэлжилнэ. Энэ жилийн сүүлийн онцгой хүсэл чамайг аз жаргалтай байхыг хүсэж байна. Амьдралд минь гарч ирсэн өвөрмөц нэгэн бэлэг онцгой нэгэн хүсэл. Яг л үүрийн гэгээ шиг, өдрийн наран адил, шөнийн саран мэт. Чамд баярлалаа, хүсэл бүхэн чинь биелээсэй. Шинэ оноо сайхан угтаад, баяр хөөрөөр дүүрэн байгаарай.

Шинэ жилийн мэнд хүргэе.<3